

დანართი N1

(კოდიფიცირებულია ცვლილებებით/დამატებებით:  
N07-01/13 24.03.2023; №07-01/10, 19.03.2025)

## ბსუ-ში სტუდენტური საუნივერსიტეტო სამეცნიერო კონფერენციის

ჩატარების წესი

### მუხლი 1. ზოგადი დებულებები

1. წინამდებარე წესი განსაზღვრავს საჯარო სამართლის იურიდიული პირი – ბათუმის შოთა რუსთაველის სახელმწიფო უნივერსიტეტში (შემდეგში - „უნივერსიტეტი“ ან „ბსუ“) სტუდენტური საუნივერსიტეტო სამეცნიერო კონფერენციის (შემდეგში - „კონფერენცია“) ჩატარების მიზნით კონკურსის გამოცხადების, სტუდენტთა ნაშრომების წარდგენის, შეფასების, შერჩევის, საორგანიზაციო პროცედურებსა და კონფერენციის მონაწილე სტუდენტთა წახალისების წესს.
2. სტუდენტური სამეცნიერო კონფერენციის ჩატარების მიზანია:
  - ა) სტუდენტთა მიერ სწავლის პროცესში მიღებული ცოდნის სისტემატიზაცია, დარგობრივი ცოდნის, პრაქტიკული და შემოქმედებითი უნარების გამოვლენა;
  - ბ) სტუდენტთათვის სამეცნიერო-კვლევითი უნარ-ჩვევების გამომუშავება;
  - გ) ახალგაზრდა მკვლევარი სტუდენტების წახალისება.
3. ბსუ-ს რექტორი ყოველწლიურად იღებს გადაწყვეტილებას ბსუ-ში სტუდენტური სამეცნიერო კონფერენციის ჩატარების მიზნით კონკურსის (მათ შორის უმაღლესი განათლების შესაბამისი საფეხურის სტუდენტებისათვის) გამოცხადების შესახებ.
4. კონფერენციის მონაწილეები შეიძლება იყვნენ ბსუ-ს საბაკალავრო, სამაგისტრო, დაწყებითი განათლების მასწავლებლის მომზადების საბაკალავრო-სამაგისტრო, სამაგისტრო, ერთსაფეხურიანი და სადოქტორო საგანმანათლებლო პროგრამების სტუდენტები, ასევე სხვა უმაღლესი საგანმანათლებლო დაწესებულების საგანმანათლებლო პროგრამების სტუდენტები, კონკურსის გამოცხადების შესახებ ბსუ-ს რექტორის შესაბამისად.
5. სამეცნიერო ნაშრომის ხელმძღვანელი/თანახელმძღვანელი შეიძლება იყოს ბსუ-ს აკადემიური ან სამეცნიერო თანამდებობის პირი, ბსუ-ს ემერიტუსი, დოქტორანტი, რომელსაც გავლილი აქვს სასწავლო კომპონენტი, ასევე მოწვეული მასწავლებელთა პერსონალის წარმომადგენელი. დასაშვებია სამეცნიერო ნაშრომს ყავდეს 1 თანახელმძღვანელი. ამასთანავე, დასაშვებია ერთი პირის მიერ ერთდროულად სტუდენტის (ან სტუდენტების) სამი სამეცნიერო ნაშრომის ხელმძღვანელობა (ან თანახელმძღვანელობა). **(ცვლილება - 19.03.2025, N07-01/10)**

6. სტუდენტური კონფერენციის ჩატარებისათვის საჭირო ხარჯი (კონკურსში გამარჯვებული საკონფერენციო ნაშრომების ავტორების წახალისებისათვის განსაზღვრული ფულადი ჯილდო, სერტიფიკატების დამზადების და კონფერენციის ჩატარების საორგანიზაციო სხვა ხარჯი) ფინანსდება ბსუ-ს ბიუჯეტიდან.

## მუხლი 2. სამეცნიერო ნაშრომის შესრულება-გაფორმება

1. კონკურსში მონაწილეობისათვის სტუდენტმა შესაძლოა წარადგინოს არაუმეტეს 2 (ორი) ნაშრომი, ამასთან, ერთ დარგობრივ მიმართულებაზე - მხოლოდ 1 (ერთი). გარდა ამისა დასაშვებია ერთდროულად მხოლოდ 2 სტუდენტის მიერ ერთი სამეცნიერო ნაშრომის წარდგენა (თანაავტორობით).
2. სტუდენტის სამეცნიერო ნაშრომი უნდა წარმოადგენდეს სტუდენტის მიერ ინდივიდუალურად ან/და სხვა სტუდენტთან ერთად (თანაავტორობის შემთხვევაში) შესრულებულ სამუშაოს, რომელშიც უნდა აისახოს სწავლის პერიოდში შეძენილი პრაქტიკული და თეორიული ცოდნა.
3. სამეცნიერო ნაშრომში უნდა შესრულდეს წინამდებარე წესის და ბსუ-ს აკადემიური საბჭოს დადგენილებით დამტკიცებული „ბსუ-ში ციტირებისა და ბიბლიოგრაფიის შედგენის წესის“ მოთხოვნების შესაბამისად. ნაშრომში გამოყენებული უნდა იქნეს შესაბამისი დარგისთვის დამახასიათებელი მეთოდი, შეგროვდეს შესაბამისი მონაცემები და განიმარტოს ახალი და განყენებული მონაცემები და/ან სიტუაციების ანალიზი, სტანდარტული და ზოგიერთი გამორჩეული/ახალი მეთოდის გამოყენებით ჩამოყალიბებული უნდა იქნეს დასაბუთებული დასკვნა.
4. სამეცნიერო ნაშრომი უნდა შესრულდეს ქართულ ენაზე, გარდა იმ შემთხვევებისა, როცა კონკურსში მონაწილე სტუდენტი სწავლობს უცხოენოვან საგანმანათლებლო პროგრამაზე. ასეთ შემთხვევაში სტუდენტები წარმოადგენენ შესაბამისი პროგრამის ენაზე შესრულებულ სამეცნიერო ნაშრომს.
5. სამეცნიერო ნაშრომის ტექსტის ძირითადი ნაწილი არ უნდა აღემატებოდეს 10 გვერდს, ხოლო დამატებითი დანართები - 5 გვერდს.
6. სამეცნიერო ნაშრომი წარმოდგენილი უნდა იქნეს წინამდებარე წესზე თანდართული შემდეგი სტრუქტურის შესაბამისად (წესის თანდართული ფორმა N1):
  - ა) ნაშრომის შესახებ ინფორმაცია/თავფურცელი;
  - ბ) აბსტრაქტი;
  - გ) შესავალი;
  - დ) ძირითადი ნაწილი;
  - ე) დასკვნა;
  - ვ) გამოყენებული ლიტერატურა/ბიბლიოგრაფია.

**მუხლი 3. სტუდენტური საუნივერსიტეტო სამეცნიერო კონფერენციის ჩატარების შესახებ  
სამართლებრივი აქტი და საორგანიზაციო ღონისძიებები**

1. სტუდენტური საუნივერსიტეტო სამეცნიერო კონფერენციის ჩატარების შესახებ ბსუ-ს  
რექტორის ბრძანებით განისაზღვრება:

ა) კონფერენციის ჩატარების თარიღი, სტუდენტთა ნაშრომების წარდგენისა და შეფასების  
ვადები (პირველი და მე-2 ეტაპის);

ბ) ბსუ-ს ფაკულტეტების დარგობრივი დეპარტამენტების, სამეცნიერო კვლევების სამსახურის,  
სტუდენტთა კარიერული განვითარების, კულტურისა და სპორტის დეპარტამენტის ან/და  
სხვა სტრუქტურული ერთეულების და შემფასებელი კომისიების მიერ წინამდებარე წესით  
გათვალისწინებული აქტივობის/ღონისძიების განხორციელების ვადები;

გ) კონკურსის მონაწილე სტუდენტებს შორის გამარჯვებული საკონფერენციო ნაშრომების  
ავტორთა გამოვლენისა და წახალისების ღონისძიების განხორციელების ვადა;

დ) კონფერენციის ორგანიზებულად წარმართვისათვის სხვა აქტივობები და მათი  
განხორციელების ვადები.

2. კონკურსის ჩატარების მიზნით კონკურსის გამოცხადების აქტით განისაზღვრება  
განსახორციელებელი შემდეგი აქტივობები (ღონისძიებები) და ვადები:

ა) ბსუ-ს თითოეული დარგობრივი დეპარტამენტების მიერ არაუმეტეს 10 პრიორიტეტული  
საკონფერენციო საკითხის (თემატიკის) განსაზღვრა (სამსახურებრივი ბარათი დეკანის  
ვიზირებით წარედგინება ბსუ-ს რექტორს);

ბ) დარგობრივი დეპარტამენტების მიერ წარმოდგენილი საკონფერენციო საკითხების  
სტუდენტთა კარიერული განვითარების, კულტურისა და სპორტის დეპარტამენტის მიერ ბსუ-  
ს პორტალზე განთავსება (რეგისტრაცია ელექტრონულად: [Portal.bsu.edu.ge](http://Portal.bsu.edu.ge)ზე);

გ) სტუდენტთა მიერ სამეცნიერო ნაშრომის სათაურისა და სამეცნიერო ხელმძღვანელის  
დარეგისტრირება ბსუ-ს პორტალზე;

დ) სტუდენტთა მიერ სამეცნიერო ნაშრომის (შედგენილი წინამდებარე წესის N1 ფორმის  
შესაბამისად) ორიგინალობის (პლაგიატის არარსებობის შესახებ) სტუდენტის განცხადების  
(შედგენილი წინამდებარე წესის N2 ფორმის შესაბამისად) და სტუდენტის სამეცნიერო  
ხელმძღვანელის წერილობითი განცხადების/დასკვნის (შედგენილი წინამდებარე წესის N3  
ფორმის შესაბამისად) განთავსება/დარეგისტრირება ბსუ-ს პორტალზე;

ე) სტუდენტთა კარიერული განვითარების, კულტურისა და სპორტის დეპარტამენტის მიერ  
ბსუ-ს პორტალზე განთავსებული სტუდენტთა ნაშრომების ელექტრონული საქმისწარმოების

შესაბამისად შესაბამისი ფაკულტეტის დარგობრივი დეპარტამენტებისათვის მიწოდება;

ვ) დარგობრივი დეპარტამენტის ხელმძღვანელის მიერ სტუდენტთა სამეცნიერო ნაშრომების პირველ ეტაპზე შემფასებელი კომისიის (არანაკლებ 3 წევრის შემადგენლობით) შექმნის შესახებ ინიციატივის/სამსახურებრივ ბარათის, შესაბამისი ფაკულტეტის დეკანის ვიზირებით, ბსუ-ს რექტორისათვის წარდგენა და დარგობრივი დეპარტამენტების სამსახურებრივი ბარათების საფუძველზე ბსუ-ს რექტორის ბრძანების პროექტის მომზადება ბსუ-ს სტუდენტთა კარიერული განვითარების, კულტურისა და სპორტის დეპარტამენტის მიერ (სამეცნიერო კვლევების სამსახურისა და რექტორის მოადგილის ვიზირებით);

ზ) რექტორის ბრძანებით შექმნილი სტუდენტთა სამეცნიერო ნაშრომების პირველ ეტაპზე შემფასებელი კომისიის მიერ სამეცნიერო ნაშრომების შეფასებების I - კონფერენციაზე სამეცნიერო ნაშრომის საერთო შეფასებიდან 35 ქულის ფარგლებში) შესახებ დარგობრივი დეპარტამენტების ხელმძღვანელების სამსახურებრივი ბარათები (სტუდენტებისათვის მინიჭებული ქულების მითითებით) ბსუ-ს რექტორისათვის წარდგენა;

თ) სტუდენტთა კარიერული განვითარების, კულტურისა და სპორტის დეპარტამენტის და სამეცნიერო კვლევების სამსახურის კოორდინირებული მუშაობით, დარგობრივი დეპარტამენტებიდან მიღებული ინფორმაციის დამუშავება და დარგობრივი მიმართულებების მიხედვით არაუმეტეს 10 საუკეთესო ნაშრომის გამოვლენა (უნდა შეირჩეს საუკეთესო/მაღალი ქულების მქონე ის ნაშრომები, რომლებსაც დარგობრივი დეპარტამენტის შემფასებელი კომისიის შეფასების მიხედვით პირველ ეტაპზე მისანიჭებელი 35 ქულის ფარგლებში მიღებული აქვს არანაკლებ 18 ქულა);

ი) ჩასატარებელი სტუდენტური კონფერენციის სექციების განსაზღვრა სტუდენტთა კარიერული განვითარების, კულტურისა და სპორტის დეპარტამენტის მიერ; (ცვლილება - 24.03.2023 ,N07-01/13)

კ) სტუდენტთა კარიერული განვითარების, კულტურისა და სპორტის დეპარტამენტის მიერ წინამდებარე წესისა და ბსუ-ს რექტორის ბრძანებით დადგენილი მოთხოვნების გათვალისწინებით სტუდენტთა კონფერენციის პროგრამის შედგენა და შესაბამის ინფორმაციასთან ერთად ბსუ-ს ოფიციალურ ვებგვერდზე და ბსუ-ს პორტალზე განთავსება (პროგრამაში უნდა მიეთითოს კონფერენციის თითოეული სექციის მუშაობის დრო და ადგილი);

ლ) სტუდენტთა კარიერული განვითარების, კულტურისა და სპორტის დეპარტამენტის და სამეცნიერო კვლევების სამსახურის კოორდინირებული მუშაობით, კონფერენციის საორგანიზაციო კომიტეტისა და ნაშრომების მე-2 ეტაპზე შემფასებელი, ასევე შემაჯამებელი კომისიების შემადგენლობის განსაზღვრის შესახებ ბსუ-ს რექტორის ბრძანებების პროექტების

მომზადება და წარდგენა;

მ) სტუდენტთა სამეცნიერო კონფერენციის ჩატარება, კონფერენციაზე საჯაროდ წარმოდგენილი ნაშრომების შეფასებების (პირველ და მე-2 ეტაპზე) დაჯამება შემაჯამებელი კომისიის მიერ და კონკურსის შედეგების შესახებ სტუდენტთა კარიერული განვითარების, კულტურისა და სპორტის დეპარტამენტის სამსახურებრივი ბარათის და სტუდენტთა მიმართ წახალისების ღონისძიებების გამოყენების შესახებ ბსუ-ს რექტორის ბრძანების პროექტის ბსუ-ს რექტორისათვის წარდგენა (სამეცნიერო კვლევების სამსახურისა და რექტორის მოადგილის ვიზირებით).

3. სტუდენტთა კარიერული განვითარების, კულტურისა და სპორტის დეპარტამენტის სამსახურებრივი ბარათის (რექტორის მოადგილის ვიზირებით) საფუძველზე ბსუ-ს რექტორის ბრძანებით იქმნება სტუდენტთა კონფერენციის საორგანიზაციო კომიტეტი ბსუ-ს სტუდენტებისა და ბსუ-ს პერსონალის შემადგენლობით. საორგანიზაციო კომიტეტის წევრები (კოორდინატორები) უზრუნველყოფენ:

ა) კონფერენციის თითოეული სექციის კოორდინირებას და ეტაპობრივად სტუდენტთა კარიერულ განვითარების, კულტურისა და სპორტის დეპარტამენტისათვის სამეცნიერო კონფერენციის მიმდინარეობის (სექცი(ებ)ის მუშაობის) შესახებ ინფორმაციის წარდგენას;

ბ) წინამდებარე წესისა და კონფერენციის გამართვის შესახებ ბსუ-ს რექტორის ბრძანების მოთხოვნების დაცვასა და შესრულებას, სტუდენტთა კარიერულ განვითარების, კულტურისა და სპორტის დეპარტამენტის კოორდინირებით.

4. სტუდენტთა კარიერული განვითარების, კულტურისა და სპორტის დეპარტამენტის სამსახურებრივი ბარათის (რექტორის მოადგილის ვიზირებით) საფუძველზე ბსუ-ს რექტორის ბრძანებით იქმნება სტუდენტთა ნაშრომების მე-2 ეტაპზე შემფასებელი კომისიები არანაკლებ 3 და არაუმეტეს 5 წევრის შემადგენლობით (თითოეული დარგობრივი დეპარტამენტიდან 3 წევრი, ხოლო 2 - დამსაქმებლები ან/და სხვა).

5. სტუდენტთა კარიერული განვითარების, კულტურისა და სპორტის დეპარტამენტის სამსახურებრივი ბარათის (რექტორის მოადგილის ვიზირებით) საფუძველზე ბსუ-ს რექტორის ბრძანებით იქმნება სტუდენტთა ნაშრომების შემაჯამებელი კომისია სტუდენტთა კარიერული განვითარების, კულტურისა და სპორტის დეპარტამენტის, სამეცნიერო კვლევების სამსახურის და საორგანიზაციო კომიტეტის წევრების შემადგენლობით.

6. წინამდებარე წესში აღნიშნული კომისიების წევრები ვალდებული არიან თავი აარიდონ ინტერესთა კონფლიქტის შემთხვევას (არ შეაფასოს სამეცნიერო ნაშრომი, თუ ის ამ ნაშრომის სამეცნიერო ხელმძღვანელია ან/და არსებობს პირდაპირი ნათესაური კავშირი (პირველი რიგის ნათესავია) სამეცნიერო ნაშრომის ავტორთან ან/და არსებობს ინტერესთა კონფლიქტის

სხვა გარემოება).

7. სტუდენტური კონფერენციის სექციები შეიძლება შეიქმნას სამეცნიერო დარგის/მიმართულების მიხედვით, მინიმუმ 5 სამეცნიერო ნაშრომის შემთხვევაში. 5-ზე ნაკლები ოდენობით ნაშრომის შემთხვევაში შეიძლება შეიქმნას მომიჯნავე სამეცნიერო დარგის სექცია. ასევე დასაშვებია შეიქმნას სექციები, უმაღლესი განათლების სწავლების საფეხურების მიხედვით ან გაერთიანებული, საფაკულტეტო სექცია. სამეცნიერო დარგის/მიმართულების მიხედვით მაგისტრანტების და დოქტორანტების 5-ზე ნაკლები სამეცნიერო ნაშრომის შემთხვევაში დოქტორანტის ან/და მაგისტრანტის სამეცნიერო ნაშრომი შეიძლება მიეკუთვნოს გაერთიანებულ საფაკულტეტო სექციას. გაერთიანებული საფაკულტეტო სექციის არარსებობის შემთხვევაში დოქტორანტის და/ან მაგისტრანტის სამეცნიერო ნაშრომი მიეკუთვნება უმაღლესი განათლების პირველი საფეხურის პროგრამის სტუდენტებისათვის შესაბამისი მიმართულებით შექმნილ სექციას. (**დამატება - 24.03.2023, N07-01/13**)

8. სტუდენტის მიერ წარდგენილი 2 (ორი) სამეცნიერო ნაშრომის ერთ სექციაში მოხვედრის შემთხვევაში, წარდგენის ეტაპზე უნდა დაიშვას მხოლოდ ერთი სამეცნიერო ნაშრომი, რომელსაც კომისიის გადაწყვეტილებით უფრო მაღალი შეფასება აქვს, ხოლო თანაბარი ქულების შემთხვევაში კონფერენციაში მონაწილეობა შეიძლება მიიღოს ერთ-ერთმა სამეცნიერო ნაშრომმა, ნაშრომის ავტორი სტუდენტის არჩევანის შესაბამისად (პორტალის მეშვეობით უნდა წარმოადგინოს განცხადება). (**დამატება - 24.03.2023, N07-01/13**)

9. კონფერენციის პირველ ეტაპზე შემფასებელ კომისიას სტუდენტთა სამეცნიერო ნაშრომები წარედგინება დაშტრიხული ფორმით. (**დამატება - 24.03.2023, N07-01/13**)

#### მუხლი 4. სამეცნიერო ნაშრომების შეფასება

1. სტუდენტის სამეცნიერო ნაშრომის შეფასება ხდება ორ ეტაპად, ჯამში 50-ქულით, მათ შორის:

ა) I ეტაპზე მაქსიმალური 35 ქულით - ფასდება მხოლოდ დარგობრივი დეპარტამენტის არანაკლებ 3-წევრიანი შემფასებელი კომისიის (შემდეგში - „პირველ ეტაპზე შემფასებელი კომისია“) მიერ;

მიერ;

ბ) II ეტაპზე (კონფერენციაზე საჯაროდ წარდგენის შემდეგ) მაქსიმალური 15 ქულით - შესაბამისი სექციის არანაკლებ 3 და არაუმეტეს 5 წევრის კომისიის (შემდეგში - „მე-2 ეტაპზე შემფასებელი კომისია“) მიერ;

2. ნაშრომის შეფასების I ეტაპზე მაქსიმალური 35 - ქულიანი შეფასების კომპონენტებია:

ა) კვლევა და ანალიზი (ტექსტის მირითადი ნაწილში საკვლევ თემაზე მსჯელობა არის თანმიმდევრული, გამოყენებულია მიმართულების/დარგის შესაბამისი კვლევისა და ანალიზის მეთოდები) - მაქსიმალური 10 ქულა;

ბ) **დასკვნა** (ავტორის მოსაზრებები, დასკვნები და რეკომენდაციები ნათლად არის წარმოჩენილი) - მაქსიმალური 10 ქულა;

გ) **თემის აქტუალობა** (ნათლად არის გამოკვეთილი და დასაბუთებული საკვლევი თემის აქტუალობა) - მაქსიმალური 5 ქულა;

დ) **გამოყენებული ლიტერატურა და ბიბლიოგრაფია** (წარმოდგენილი ლიტერატურული წყაროები არის სანდო და უშუალო კავშირში საკვლევ თემასთან) - მაქსიმალური 5 ქულა;

ე) **ენობრივ-სტილისტური გამართულობა** (ნაშრომი წარმოდგენილია ორთოგრაფიული, სტილისტური და გრამატიკული შეცდომების გარეშე) - მაქსიმალური 5 ქულა;

**3. ნაშრომის შეფასების II ეტაპზე მაქსიმალური 15 - ქულიანი შეფასების კომპონენტებია:**

ა) **აუდიტორიასთან კომუნიკაციის უნარი** (მომხსენებელი პრეზენტაციისას საუბრობს გამართულად და თავდაჯერებულად, კითხვებზე, შენიშვნებზე და რეკომენდაციებზე მომხსენებლის მიერ გაცემული პასუხი არის ლაკონური და გასაგები - მაქსიმალური 10 ქულა;

ბ) **რეგლამენტის დაცვა** (მომხსენებელი ძირითადი მოხსენების, კითხვა/პასუხისა და აუდიტორიასთან კომუნიკაციის დროს იცავს დროის ლიმიტს) - მაქსიმალური 3 ქულა;

გ) **პრეზენტაციის გაფორმება** (მომხსენებლის მიერ წარმოდგენილი პრეზენტაცია არის მარტივად აღსაქმელი) - მაქსიმალური 2 ქულა.

**4. კონფერენციაზე ნაშრომთა საჯაროდ წარდგენის შემდეგ, თითოეული სექციის მიხედვით „მე-2 ეტაპზე შემფასებელი კომისია“ ნაშრომებს შეაფასებს წინამდებარე მუხლში აღნიშნული II ეტაპის შეფასების კომპონენტების მიხედვით (რექტორის ბრძანებით დამტკიცებული ფორმის მიხედვით) და წარუდგენს სტუდენტთა კარიერული განვითარების, კულტურისა და სპორტის დეპარტამენტის უფროსს.**

**5. „შემაჯამებელი კომისია“ შეაჯამებს ნაშრომთა ორივე ეტაპის შეფასებებს და მიღებული მაქსიმალური ქულების გათვალისწინებით გამოავლენს გამარჯვებულ სტუდენტებს - I, II და III ადგილზე გასულ ნაშრომთა ავტორებს.**

**5!. მაგისტრანტის/დოქტორანტის სამეცნიერო ნაშრომის უმაღლესი განათლების პირველი საფეხურის პროგრამის სტუდენტებისათვის შექმნილ სექციაში დარეგისტრირების შემთხვევაში, „შემაჯამებელი კომისია“ კონკურსში გამარჯვებულის გამოვლენის მიზნით სტუდენტთა ქულების დაჯამების პროცესში არ ახდენს მაგისტრანტის/დოქტორანტის ნაშრომის ქულების დაჯამებას და შესაბამისად, შემდეგში არ ხორციელდება მაღალი ქულების მქონე ნაშრომის ავტორთა მიმართ წახალისების ღონისძიების გამოყენება. **(დამატება - 24.03.2023, N07-01/13)****

**6. თანაბარი ქულების მქონე პირებს შორის გამარჯვებულის გამოვლენისათვის უპირატესობა მიენიჭება წინამდებარე მუხლის მე-2 პუნქტში აღნიშნულ კომპონენტებში მიღებულ მაღალ შეფასებას („ა“, „დან ე“, ქვეპუნქტის ჩათვლით, თანმიმდევრობის დაცვით), ხოლო ასეთ შემთხვევაშიც თანაბარი ქულების მქონე კონკურსანტებს შორის გამარჯვებული**

გამოსავლენად უპირატესობა მიენიჭება წინამდებარე მუხლის მე-3 პუნქტში აღნიშნულ კომპონენტებში მიღებულ მაღალ შეფასებას („ა“-, დან „გ“ ქვეპუნქტის ჩათვლით, თანმიმდევრობის დაცვით).

7. შემაჯამებელი კომისიის დასკვნა და სამსახურებრივი ბარათი გამარჯვებული სტუდენტების შესახებ სტუდენტთა კარიერული განვითარების, კულტურისა და სპორტის დეპარტამენტის მიერ წარედგინება ბსუ-ს რექტორს.

#### მუხლი 5. კონფერენციის მონაწილეთა წახალისების სახეები

1. შემაჯამებელი კომისიის დასკვნის საფუძველზე გამოიცემა ბსუ-ს რექტორის ბრძანება (შესაბამისი სტრუქტურული ერთეულებისა და ადმინისტრაციის ხელმძღვანელის ვიზირებით) კონფერენციის სექციების მიხედვით გამარჯვებული სტუდენტების (I, II ან III ადგილზე გასული ნაშრომის ავტორებს) მიმართ წახალისების შემდეგი ღონისძიებების (სახეები) გამოყენების თაობაზე:

##### ა) I ადგილზე გასული სტუდენტის შემთხვევაში: (**ცვლილება - 19.03.2025, N07-01/10**)

- გადაეცემა უნივერსიტეტის კონფერენციაში გამარჯვებულის სერტიფიკატი;
- მისი ნაშრომი დაიბეჭდება უნივერსიტეტის სტუდენტთა სამეცნიერო ნაშრომთა კრებულში/ჟურნალში.;
- განისაზღვრება ფულადი ჯილდო არაუმეტეს 375 (საქართველოს კანონმდებლობის გათვალისწინებით) ლარის ოდენობით;
- შესაბამისი ფაკულტეტის რეკომენდაციის წარდგინების საფუძველზე სტუდენტური კონფერენციის ჩატარებიდან 1 წლის განმავლობაში ეროვნულ/საერთაშორისო კონფერენციაში/ფორუმში მონაწილეობის შემთხვევაში მიიღებს დაფინანსებს არაუმეტეს 1500 ლარის ფარგლებში;

##### ბ) II ადგილზე გასული სტუდენტის შემთხვევაში: (**ცვლილება - 19.03.2025, N07-01/10**)

- გადაეცემა უნივერსიტეტის კონფერენციაში გამარჯვებულის სერტიფიკატი;
- მისი ნაშრომი დაიბეჭდება უნივერსიტეტის სტუდენტთა სამეცნიერო ნაშრომთა კრებულში/ჟურნალში.;
- განისაზღვრება ფულადი ჯილდო არაუმეტეს 250 (საქართველოს კანონმდებლობის გათვალისწინებით) ლარის ოდენობით;
- შესაბამისი ფაკულტეტის რეკომენდაციის წარდგინების საფუძველზე სტუდენტური კონფერენციის ჩატარებიდან 1 წლის განმავლობაში ეროვნულ/საერთაშორისო კონფერენციაში/ფორუმში მონაწილეობის შემთხვევაში მიიღებს დაფინანსებს არაუმეტეს 1000 ლარის ფარგლებში;

გ) III ადგილზე გასული სტუდენტის შემთხვევაში: (**ცვლილება - 19.03.2025, N07-01/10**)

1. გადაეცემა უნივერსიტეტის კონფერენციაში გამარჯვებულის სერტიფიკატი;
  2. ნაშრომი დაიბეჭდება უნივერსიტეტის სტუდენტთა სამეცნიერო ნაშრომთა კრებულში/ჟურნალში;;
  3. განისაზღვრება ფულადი ჯილდო არაუმეტეს 125 (საქართველოს კანონმდებლობის გათვალისწინებით) ლარის ოდენობით;
  4. შესაბამისი ფაკულტეტის რეკომენდაციის წარდგინების საფუძველზე სტუდენტური კონფერენციის ჩატარებიდან 1 წლის განმავლობაში ეროვნულ/საერთაშორისო კონფერენციაში/ფორუმში მონაწილეობის შემთხვევაში მიღებს დაფინანსებს არაუმეტეს 500 ლარის ფარგლებში.
2. კონფერენციის სექციების მიხედვით კონფერენციის მონაწილე თოთოულ სტუდენტს, რომელსაც მიღებული აქვს ორივე ეტაპის შეფასება, მაგრამ ვერ გაიმარჯვა, რექტორის ბრძანების შესაბამისად გადაეცემა უნივერსიტეტის კონფერენციაში მონაწილის სერტიფიკატი.
  3. კონფერენციის სექციების მიხედვით კონფერენციის მონაწილე სხვა უმაღლესი საგანმანათლებლო დაწესებულების სტუდენტის გამარჯვების შემთხვევაში (I, II ან III ადგილზე გასულ ნაშრომის ავტორს), რექტორის ბრძანების შესაბამისად:
- ა) გადაეცემა უნივერსიტეტის კონფერენციაში გამარჯვებულის სერტიფიკატი;
  - ბ) მისი ნაშრომი დაიბეჭდება უნივერსიტეტის სტუდენტთა სამეცნიერო ნაშრომთა კრებულში/ჟურნალში.
4. კონფერენციის მონაწილე ბსუ-ს იმ მაგისტრანტის შემთხვევაში, რომლის საკონფერენციო ნაშრომი შეეხება სამაგისტრო ნაშრომის თემას ან დარგის/ქვედარგის თემატიკას ან/და კონფერენციაში დარეგისტრირდა და მიეკუთვნა უმაღლესი განათლების პირველი საფეხურის სტუდენტების ნაშრომების სექციას ან გაერთიანებულ საფაკულტეტო სექციას, რექტორის ბრძანების შესაბამისად: (**დამატება - 24.03.2023, N07-01/13**)
- ა) გადაეცემა უნივერსიტეტის სტუდენტურ კონფერენციაში მონაწილის სერტიფიკატი;
  - ბ) მისი ნაშრომი დაიბეჭდება უნივერსიტეტის სტუდენტთა სამეცნიერო ნაშრომთა კრებულში/ჟურნალში (კომისიის დასკვნის შესაბამისად).

**ბსუ-ში სტუდენტური საუნივერსიტეტო სამეცნიერო კონფერენციის**

**ჩატარების წესის ფორმა N1 - სამეცნიერო ნაშრომის სტრუქტურა**

**სამეცნიერო ნაშრომის სრული სათაური**

**პირველი ავტორი:** სახელი გვარი,

ბსუ-ს, ფაკულტეტის, საგანმანათლებლო პროგრამის დასახელება საფეხურის მითითებით;

ელ. ფოსტა: -----

**მეორე ავტორი:** სახელი გვარი,

ბსუ-ს, ფაკულტეტის, საგანმანათლებლო პროგრამის დასახელება საფეხურის მითითებით;

ელ. ფოსტა: -----

**სამეცნიერო ხელმძღვანელი:** სახელი, გვარი, აკადემიური თანამდებობა;

ნაშრომის შესახებ ინფორმაციის დაფორმატებისას გამოიყენება შემდეგი პარამეტრები: а) შუა ნაწილში უნდა დაიწეროს სამეცნიერო ნაშრომის დასახელება (შრიფტის ზომა - 16) (მას არ მიეწერება სიტყვა "თემა" და არც ბრჭყალებში უნდა ჩაისვას);

б) ნაშრომის დასახელების ქვემოთ, მარჯვენა ქვედა მხარეს დაიწეროს ნაშრომის ავტორ(ებ)ის სახელი, გვარი (შრიფტის ზომა - 12);

გ) ნაშრომის ავტორ(ებ)ის სახელისა და გვარის ქვემოთ, მარჯვენა მხარეს დაიწეროს უნივერსიტეტის, ფაკულტეტისა და პროგრამის დასახელება საფეხურის მითითებით (შრიფტის ზომა - 10);

დ) უნივერსიტეტის, ფაკულტეტისა და პროგრამის დასახელების ქვემოთ, მარჯვენა მხარეს დაიწეროს საკონტაქტო ინფორმაცია (შრიფტის ზომა - 10);

ე) საკონტაქტო ინფორმაციის ქვემოთ, მარჯვენა მხარეს დაიწეროს ნაშრომის სამეცნიერო ხელმძღვანელის სახელი, გვარი, აკადემიური ხარისხი, დაკავებული აკადემიური თანამდებობა (სხვა უნივერსიტეტის აკადემიური პირის შემთხევაში, იმ უნივერსიტეტის დასახელება) (შრიფტის ზომა - 10);

ვ) თავსართის გვერდიდან იწყება გვერდების ნუმერაცია. არაბული ციფრებით (1). აბსტრაქტი

აბსტრაქტში ასახული უნდა იყოს სამეცნიერო ნაშრომის თემატიკა და საკვლევი საკითხი, კვლევის მეთოდი, მიზან(ები), ძირითადი მიგნებები, დასკვნები და სხვა. აბსტრაქტის მოცულობა არ უნდა აღემატებოდეს 200 სიტყვა

---

---

---

საკვანძო სიტყვები: \_\_\_\_\_, \_\_\_\_\_, \_\_\_\_\_, \_\_\_\_\_ (არაუმეტეს 4 სიტყვისა).

აბსტრაქტის დაფორმატებისას გამოიყენება შემდეგი პარამეტრები:

- შრიფტი - Sylfaen .
- შრიფტის ფორმა და ზომა: სათაური - 14, გამუქებული და სწორი; აბსტრაქტის ტექსტი - 12 და სწორი;
- ფურცლის გვერდზე ტექსტის მინდორი: მარცხნიდან -3 სმ, მარჯვნიდან -1.5 სმ, ზემოდან - 2.5 სმ, ქვემოდან 2.5ს;
- ტექსტის კიდეები გასწორებულია ორივე მხარეს;
- სტრიქონებს შორის მანძილი -1,5 ინტერვალი;
- სათაურსა და ტექსტს შორის დაშორება - 2 სტრიქონი;

## შესავალი

შესავალი წარმოადგენს სამეცნიერო ნაშრომის ძირითადი საკითხების ზოგადი მიმოხილვას, სადაც კარგად უნდა იყოს გამოკვეთილი თემის აქტუალობა, დასახულ მიზნები, ამოცანები და სხვა ასპექტები კვლევის სპეციფიკიდან გამომდინარე. ძირითადი ნაწილი სამეცნიერო ნაშრომის ამ ნაწილში გაშლილი უნდა იყოს ძირითადი საკითხები და თემატიკა. ძირითადი ნაწილი შესაძლოა დაიყოს თავებად და ქვეთავებად. ძირითად ნაწილში შეიძლება წარმოდგენილი იყოს თვალსაჩინოებებიც (ცხრილები, გრაფები, სურათები და სხვა), თუმცა, სასურველია მცირე რაოდენობით. თვალსაჩინოება უნდა იყოს დასათაურებული და ასევე შესაძლებელია მას ახლდეს შენიშვნა, რომელიც უნდა განთავსდეს თვალსაჩინოების ქვემოთ. იმ შემთხვევაში თუ თვალსაჩინოება განსხვავებული ფორმატის ფაილია (JPEG ან სხვა), წარმოდგენილი უნდა იქნეს დანართის სახით წარმოდგენაც (დანართის გვერდების რაოდენობა არ უნდა აღემატებოდეს 5 გვერდს).

## დასკვნა

სამეცნიერო ნაშრომის დასკვნით ნაწილში უნდა მოხდეს მანამდე დასმული და წარმოჩენილი საკითხების შეჯამება, კვლევის პროცესში არსებული დაბრკოლებების და ახალი მოსაზრებების/რეკომენდაციების განსაზღვრა.

## **გამოყენებული ლიტერატურის ჩამონათვალი/ბიბლიოგრაფია**

სამეცნიერო წაშრომს ბოლოს უნდა დაერთოს გამოყენებული ლიტერატურის ჩამონათვალი, სადაც წარმოდგენილი იქნება წაშრომში გამოყენებული წყაროები. წყაროების მითითებისას და ბიბლიოგრაფიის შედგენისას იხელმძღვანელეთ „ბსუ-ში ციტირებისა და ბიბლიოგრაფიის შედგენის წესის დამტკიცების შესახებ“ ბსუ-ს აკადემიური საბჭოს 2017 წლის 30 ნოემბრის N110 დადგენილების შესაბამისად. აღნიშნული წესის დაუცველობა ჩაითვლება პლაგიატად, რაც ისჯება სტუდენტის სტატუსის შეჩერებით.

**წაშრომის ტექსტის დაკაბადონება უნდა შესრულდეს შემდეგი მოთხოვნების გათვალისწინებით:**

- ა) ტექსტი აკრეფილი უნდა იყოს A4 ზომის სტანდარტულ ფურცელზე; ბ) შრიფტის სახე - Sylfaen; გ) ტექსტის შრიფტის ზომა - 12; გ) თავების/პარაგრაფები: პირველი დონის სათაური - 14, გამუქებული და სწორი; მეორე დონის სათაური - 12, გამუქებული და დახრილი; მესამე დონის სათაური - 12 და დახრილი დ) სქოლიოს შრიფტის ზომა -10; ე) სტრიქონებს შორის მანძილი -1,5 ინტერვალი; ვ) სათაურსა და ტექსტს შორის დაშორება - 2 სტრიქონი; ზ) ფურცლის გვერდზე ტექსტის მინდორი: მარცხნიდან -3 სმ, მარჯვნიდან -1.5 სმ, ზემოდან - 2.5 სმ, ქვემოდან 2.5ს; თ) წაშრომის მოცულობა - დარგის სპეციფიკიდან გამომდინარე, მაგრამ არაუმეტეს 10 გვერდი და არანაკლებ 5 გვერდისა, ე) სტატიის გვერდები ინომრება არაბული ციფრებით (1,2,3,4 და ა.შ.).

ბსუ-ში სტუდენტური საუნივერსიტეტო სამეცნიერო კონფერენციის  
ჩატარების წესის ფორმა N2 - სტუდენტის განცხადება ნაშრომის ორიგინალობაზე

ბსუ-ს რექტორს -----

----- ფაკულტეტის,

----- საბაკალავრო/სამაგისტრო/სადოქტორო საგანმანათლებლო პროგრამის  
სტუდენტის ----- (სახელი გვარი)

პირადობის მოწმობის №:-----

ტელ.ნომერი -----

## განცხადება

ჩემ (ჩვენ) მიერ წარმოდგენილი სამეცნიერო ნაშრომი -----  
(სამეცნიერო ნაშრომის სათაური) შესრულებულია „ბსუ-ს სტუდენტური საუნივერსიტეტო  
სამეცნიერო კონფერენციის ჩატარების წესის“ და ბსუ-ს აკადემიური საბჭოს დადგენილებით  
დამტკიცებული „ბსუ-ში ციტირებისა და ბიბლიოგრაფიის შედგენის წესის“ მოთხოვნების  
შესაბამისად.

გთხოვთ, აღნიშნული განცხადების საფუძველზე, ჩემ მიერ წარმოდგენილი სამეცნიერო  
ნაშრომი დაუშვათ ბსუ-ს სტუდენტთა სამეცნიერო კონფერენციაზე.

პატივისცემით,

-----  
(ხელმოწერა)

თარიღი: -- / -- / -- (დღე/თვე/წელი)

ბსუ-ში სტუდენტური საუნივერსიტეტო სამეცნიერო კონფერენციის  
ჩატარების წესის ფორმა N3 - სტუდენტის სამეცნიერო ხელმძღვანელის განცხადება/დასკვნა  
სტუდენტის ნაშრომის შესაბამისობაზე

ბსუ-ს რექტორს -----

----- ფაკულტეტის,

-----მიმართულების

----- (აკადემიური თანამდებობა)

პირადომის მოწმობის №:-----

ტელ.ნომერი -----

განცხადება (დასკვნა)

მოგახსენებთ, რომ ----- (სტუდენტის სახელი გვარი) სამეცნიერო  
ნაშრომი ----- (სამეცნიერო ნაშრომის სათაური)  
შესრულებულია „ბსუ-ს სტუდენტური საუნივერსიტეტო სამეცნიერო კონფერენციის  
ჩატარების წესის“ და ბსუ-ს აკადემიური საბჭოს დადგენილებით დამტკიცებული „ბსუ-ში  
ციტირებისა და ბიბლიოგრაფიის შედგენის წესის“ მოთხოვნების შესაბამისად და როგორც  
სტუდენტის სამეცნიერო ხელმძღვანელი, რეკომენდაციას ვუწევ ნაშრომი დაიმვას ბსუ-ს  
სტუდენტთა სამეცნიერო კონფერენციაზე

პატივისცემით,

(ხელმოწერა)

თარიღი: -- / -- / -- (დღე/თვე/წელი)